


鄆城縣記



耆舊篇四

鄆城縣記第二十一

楊琳 子旦 旦孫繼芳 繼芳子益智 旦曾孫益普

旦玄孫榮 榮子履吉 觀吉 旦六世孫臨吉

徵吉 履吉子思穎 觀吉孫樵 旦八世孫固猷

旦十一世孫天健 旦十二世孫聯芳 朱臣 陶禮

劉用中 張九德 靳廷裕 裔孫丹秀 丹秀子大成

大成子塢 王大章 何述 趙文煥 五世孫大韶

大韶子源生 源生孫桂森 桂叢 桂叢子時廢

時熙 胡綿 六世孫中元 陶汝弼 族孫鐸 鐸子聖

謨 聖謨子光顯 光顯孫敬身 謝紹先 沈尚賢

鄆城縣記卷二十一 耆舊篇四 一

王士表 陳際昌 張經畫 高翀 張有典 李

啟愚 宋賜畫 子弘儒 譚允衡 李豫 弟賁 賁子

琮 豫八世孫懷西 振聲 李珍 李發愚 孫鉅

裔孫春和

楊琳字彥珍號松侶幼而穎敏志氣不羣母蚤亡事繼母以孝聞父歿家貧繼母以為憂琳曲意承顏尺布一錢皆繼母裁其出入施於外事無巨細必告而後行繼母視之逾已出焉明正德庚午以貢生入國子監監某生以銀十兩借琳藏隱處地近鼠穴鼠齧紙破銀墜入穴某取銀銀亡告之同舍咸意琳竊琳言笑如恆不辨解囊償之齋夫

乃不平徧掘地得銀於鼠穴同舍與某皆愧謝終無所言
任徐州訓導士服其教儒學充齋夫者例輸銀學官夫某
輸時色慘然詢之鬻女直也還所輸銀俾贖女歸生平守
官接物恆以天理爲言教子孫戒其傲而勉以謙不僅僅
文藝之程期之篤於踐履云子旦

旦字啟東號中泉少爲文有奇氣正德辛巳進士初授吉
安府推官擢刑部主事調戶部嘉靖辛卯轉兵部咸有聲
公署災延燒什器儲時謫河間府推官居一年轉同知未
踰年擢工部郎中明年授西安府知府未任而卒旦孝友
聞於閭里自推官七轉至知府歿後家無長物惟藏書千
餘卷聞者歎息焉

郟城縣記卷二十一

耆舊篇四

二

繼芳字美傳旦之孫博學直行貧者衣食之門下多登甲
乙榜者繼芳萬曆時以貢生任歸德府訓導董河工民舍
妨工者以已貲償其遷費庠生鄧仗策家娶子婦遇邪歸
則兩婦雖其女家父母不能辨繼芳爲文禱於神以驅之
妖遂絕時寧陵乏令監司以繼芳攝之辭遷濟南府教授
不赴歸弟子益集家居三十餘年不復出云第三子益智
益智字叔愚少負才名文章瞻麗萬曆戊午舉於鄉雅志
孝養不以進取爲務性豪邁飲酒至一石不亂焉
益普字恆省一字旭齋旦之曾孫順治時歲貢生遂於易

晚年說經於里門邑士從遊者咸却其贄著書以終

榮字文饒旦之玄孫增生性慷慨好義行崇禎之末流寇氛逼買舟南去避之舟行有過其側而號泣者問之負債於人已以女償之矣聞而惻然出橐中裝如其所負數予之使贖女歸邑西郭中嶽廟側有地兩段二十八畝瀕行盡施於廟而去子履吉觀吉

履吉字祥元號素庵康熙戊午舉人任甯陵澠池教諭訓課甚勤甲午爲山西同考官所拔皆知名士乙未冬卒於官櫬歸里時士民布奠相扶而送之至鄆城者十餘人號泣卒事

鄆城縣記卷二十一 耆舊篇四 三

觀吉字奇生恩貢生工制義教於其族持師道至嚴有不率教者懲之不少寬假族之子弟勤於學而有成者皆其力也

臨吉字莊生厚重寡言遇材質駑下者憐惜哀惋根於仁心未嘗輕棄之焉

徵吉字瀛侶號敬勝剛毅有執樂施予晚年究心音韻著有成書臨吉徵吉於旦爲六世孫縣皆舉之與於鄉飲履吉子思穎字敏公博學能文邑人皆推重之著述甚富惜多散佚存者十二三云

觀吉孫樵字寄山號牧齋八歲而父思溫卒哭泣盡禮如

成人幼不好弄自束髮受書必端立正坐不跛倚作字必端楷雖爲文屬草亦未嘗減筆畫爲俗體制義必師先正若歸胡若金陳若熊劉非是則不讀雍正壬子乙卯兩得錄爲副貢生任柘城教諭者八年居官不阿時好不至佐雜之庭訓士嚴而有恩尤軫念乎寒賤致仕歸柘城人士感之立石以表其德於其卒也祀之於名宦而柘城志爲之傳

固猷字聖勤武生旦八世孫雖入武學而善屬文以蚤歲應童子試不見錄易而習武然恆自悔生平不言弓馬事而教人爲文人亦以其夙能文也競從之遊故列其門牆者乃盡爲文學之士焉

天健字子乾旦十一世孫也性純孝喜讀史鑑年逾七十問寢視膳之餘仍自手不釋卷以歲貢生候選訓導終病革時示子姪曰貧非病不讀書真病也端坐而卒

聯芳字棣堂旦之十二世孫也幼聰穎甫學語卽晨夕隨其祖祖教以千字文日能誦二十餘字試顛倒其次第以問之又能隨問以答故事歲之元日縣署前結彩召俳優爲劇誌慶人民得縱觀其祖以帶束聯芳於背以往有項置於隸舍前之石凡曰吾去卽返勿動勿唬也聯芳仰見門旁春聯喃喃誦且語一老人過詫曰汝誰家兒時僅告

以姓而未能言名老人喜贈以手巾蔗年十八學爲文於安法曾邑所號爲魯齋先生者也一見大器之是年應學政試以經古冠許州五屬入學爲生員又二年補廩膳生家貧因授徒自給然鄉試終不得一第以歲貢生終生平篤於師友之誼法曾亡聞而奔赴匍匐號咷盡哀見者爲之傷臨友朋之喪每泣不可仰晚年得有傳譯歐美之書一見而能明其癥結欲以經史之旨是正而疏通之未竟而卒而詩歌每爲邑人傳誦焉

朱臣字時卿號默庵正德十六年貢禮部謁選曹不願仕除陽穀縣丞不赴既歸於所居之南構精舍以易授子姪

名利聲華泊如也文廟帛篋敝臣自爲篋藏之廟久之始有知者

陶禮字大用明正德時任湖州稅課司大使致仕歸性質直不事繁縟末節然其母歿時禮年已七十矣執喪則皆中禮劉用中不積私財三十年足不履市惟結廬以課子子皆成名文篆生員文箴順治時歲貢生用中年至八十二人者先後百餘年間最推篤行不假標異物望自歸咸以宿德屢與鄉飲焉

張九德幼純謹不好弄少長恭勤慎默父魁爲揚州訓導患瘍久不瘥九德勸之歸日侍湯藥未嘗離越二歲疾亟

九德與弟九經百方療之不愈竊刲股以進父疾竟瘳知縣喬遷親至其家驗之餽以酒肉復其家知縣楊伯謙奉詔書事例欲起部聽用九德辭以母老且未學不任用又舉鄉飲亦不赴署知縣楊邦梁旌曰孝子之門年至七十未嘗與人爭訟教二子力田孝友迨順治時知縣荆其悖修葺縣志既書其事因而論之曰九德至誠懇惻非殘肢體以逃租庸者

靳廷裕居城北孟莊與弟廷祿白首同居門以內老穉無違言沙埠口受土廬河衝地勢下行人苦之廷裕出已資五百金始爲橋又輸米二百石修乾勒橋乾勒橋當明嘉

鄆城縣記卷二十一 耆舊篇四 六

靖二十一年姜大成爲縣之日大成令於衆廷裕偕里人王用田秬等集貲以成之沙埠口橋則廷裕之所獨建是尤爲難矣至明末而圯其復修者仍靳氏之人主之其後則有諸生大成大成父諸生丹秀字形庭廷裕之裔也嗜學能文和易誠樸尙信義樂施予族人爭產至割己墓以畀之人推爲長者大成亦以樂善好義敦本睦族聞故父子皆負鄉里之望當康熙時沙埠口橋益敝知縣羅其昌以是橋廷裕之始爲之其後人又克紹先志勿有替也乃招大成與之謀遂與閻楷李乾閻林集衆貲而修之迨乾隆時橋復壞則大成之子監生响與諸生田懷玠鄉民李

起等復言於知縣傅豫而修之蓋沙埠口當南北之衝其
爲行旅之所取途與乾勒橋等重先後百餘年間修之者
咸資靳氏故其昌於大成修橋之役旣訖因旌其門曰世
德云

王大章字宗夔號東陽爲諸生敦本務學動遵古禮以節
義自許葬父母廬於墓負土成墳提學至郟謁文廟值雨
將拜堂上大章厲聲曰拜下禮也黃安耿定向以講學自
任會試過郟聞大章名與爲布衣交大章詣闕上安邊策
不報遂棄諸生隱居不出嘉靖四十年定向以論吳鵬事
忤嚴嵩歸大章聞往訪之會定向按甘肅去大章遂客死

郟城縣記卷二十一 耆舊篇四 七

黃安方湛一家定向後歸其喪祭之以文其曰以豪傑自
命而俗學不齒以忠義自許而摧折不渝據其近似而不
究其所至其殆依稀乎參也之魯柴也之愚亦可以得大
章之爲人矣祀於鄉賢其弟子知名者曰何述

何述字明齋端慤誠樸從大章爲學能甘淡泊大章每呼
之爲小友喜讀書延接後進築舍講授負笈至者相望
趙文煥字耿光其先於明初自山西洪洞縣遷於懷慶嘉
靖時始遷郟城萬曆時文煥以貢生任山西蒲州同知歲
饑輸家財數千緡以賑佐州十二年貧戶力不能完賦代
之納以爲常攝州事有鄧姓兄弟爭產而訟鞠之其兄知

情絀將負乃納賄於布政使某以書抵文煥爲道地文煥力持不阿縱遂忤於長官以疾歸傳四世而至柱清初以貢生入國子監大學士李天馥亟稱而欲薦之子大韶大韶字象九號若園生有至性幼侍父疾晝夜不離側人稱其孝豪於飲能一石不亂母命節之遂終身不敢過父早歿事其兩叔恭謹其季者長大韶僅三歲迨於白首執禮未嘗懈姊適應氏早寡而貧迎歸養之教甥有成村北有先世未析地議析已受其瘠者一畝許餘以讓諸叔焉族之貧者至鬻墓木祭田知而卒復之鄰有越地刈茅者誠之曰知汝偶誤後毋復然又有求其隙地而欲貶直以應之不厚索也巾子源生

市或沮之大韶曰此吾不急之地而爲彼所急何靳爲竟源生初名六德字興一號錦崖總角入塾塾師講泰伯章羅列大全諸書源生徐曰朱子不曰夷齊讓國之心而曰夷齊扣馬之心其主讓商無疑且魯論以文王事殷爲至德泰伯之稱至德其明證也塾師聞之驚異年十四以背誦全經入學學政蔡新命至堂上解坤卦一篇歎賞之中式乾隆丙子科舉人選授湖北建始縣知縣建始好鬪健訟前之令斯邑者嚴刑峻法而不能禁源生編爲忿思難訟終凶之歌復摘現行律例釋釋刊布城市囂風爲之一

戢川楚教匪方張而建始無城源生乃捐築土城募士備火器以謀守又於各鄉場扼要修卡房選義總以維四境而覃加耀焚掠官店口衆咸以爲距城遠賊勢盛不如嚴守清江河遏其北渡爲得計源生不許乃以鄉勇夜馳三百里遲明據官店口之後山施鎗礮以相誘而自以兵出其前路擊之賊倉皇首尾不相顧皆潰遁巫山教首蕭時鐵等連川匪謀大舉以奪縣城而踞之是時大軍在襄漢咸欲馳驛請救源生曰賊所恃者外匪耳救兵如救火俟其燎原已無及矣因調各卡勇置於扼要之攔腰壩飭直北偏東各卡嚴遏內入外出之路躬率鄉兵擊之於小溪

溝擒賊首蕭時鐵王章友黃成章等於是湖北巡撫惠齡入告奉旨建始知縣趙源生不煩師旅不費帑餉身帶鄉勇勦滅賊匪實屬州縣中不可多得之員著以同知陞用賞戴藍翎送部引見如軍務尙有未了卽以新銜先換頂戴時則嘉慶元年也逾年乃以糧台報銷事被勘六年事竟旋里後卒其去建始之日民皆號泣曰昔日無公則無建今日有建何可無公哉長子書思字搢颺號泰圃增生當源生之候勘也羈留沔夏非獨軍需領項不得與聞卽在任應領之廉俸役食亦咸扣除子身寓居僧舍書思攜其子桂森來省視歲除之夕薪米俱絕父子祖孫相向啜

泣黎明僧送米數升始得供祭也

桂森字友蘭號芝亭歲貢生候選訓導性伉直喜排難解紛所言人皆信嚮無違者村童聚嬉聞其聲輒散去咸豐九年二月捻匪擾至境衆皆逃桂森不肯避去謂家人曰吾年七十餘矣生平不知畏人豈老而怯賊耶賊若來吾且以義責之汝儕第去孫曾義念祖老不肯去乞相隨叱之曾義乃潛於家以偵賊果至見桂森卽迫使從行不應強曳之去曾義迹於後行里許桂森罵未間賊怒擊以槌踣曾義亟前願以身代祖死詞甚哀賊義而兩釋之負以歸至家以指作忠孝二字仰而告木主曰吾生不從賊死

鄆城縣記卷二十一 耆舊篇四 十

不辱先人無遺恨矣語畢而絕鄉里聞於縣請卹以雲騎尉襲三世

桂森弟桂叢字禺山號幕宇道光乙酉拔貢生長於文其文必有指因以示戒非徒爲空言酬酢已也所著文大半零落然卽其存者固足以見其爲趙氏族譜序曰古之人胞與民物是合天下爲一大族譜也道有脈學有宗是合古今爲一大族譜也今縱不能茲而顧此脈脈一氣之傳乃竟漠視無關如秦越人之肥瘠不亦澆歟爲鄧蒙泉文稿敘曰人之其賞雅俗者卽不成其爲人文之其賞雅俗者卽不成其爲文至爲尙僑才捐貲補築河岸序曰邑之

人狃於目前眈域太明類以衆擊易舉之事互相蠻觸甘心醲金興詞飽彼胥橐而不以拯我鄉邦吁人則害矣卽已抑何利焉語尤深痛教弟子以知行兼盡爲歸讀書於有益名教者必別錄以爲講授之資鄰邑之人有不遠數百里而從之遊者長子時賡

時賡原名時庚字穰田同治丁卯舉人夙以文名設教者數十年不惟邑之子弟四方之從遊者蓋衆其教人先器識而後文藝故著籍門下登甲乙科者相望弟時熙舞陽張廷燎其最有聞者也一時推爲老師祭酒焉顧屢困於禮部試充覺羅官學漢教習期滿以知縣用仕有途矣雅

鄆城縣記卷二十一 耆舊篇四 十一

不欲以是自溷冀終得一當以信夙志光緒丁丑前試而病因之憤懣數日疾遂篤少間問闈中題沈吟曰爲之不厭誨人不倦再四而目遂瞑矣

時熙字春臺號藹臣中式同治乙丑科貢士戊辰補殿試以主事用分刑部擢員外郎郎中改監察御史調掌京畿道由御史授廣西平樂府知府調梧州桂林卓異陞甘肅鞏秦階道在刑部爲秋審處坐辦於雲南奏銷與鎮平胡體汝之案承鞠稱允在都察院奏陳鹽法與鄆城車馬之弊在廣西平反恭城冤獄在秦州建武備學堂解李占鵬蘇上達教案其爲人和易其出守與備兵皆邊地故以安

靜不擾爲治不求赫赫之功然亦不爲威勢所撓其爲生員時捻匪犯鄆避難於郭灣適遇寇索賄不與脅行不從怒刃之傷股終不動賊旋去嘗語人曰吾無過人者勤慎廉三字差堪自信耳

胡綿字子繼號槐莊其先自元時居邑之高橋北倪家村迨明遷於古城東焉性坦易與人無崖岸遇大事則棘棘不阿治家以儉素至急人之難雖多所費而不惜族人盛以誣繫許昌驛其家貧有弟數人無能爲謀綿聞之慨然曰我與若一本也坐視何安鬻田一段至許贖之盛得免萬曆十六年大饑人相食設粥以濟鄰里儲藥以拯疾病

鄆城縣志卷二十一 耆舊篇四 十三

鄉人賴之然綿故乏也二十一年沙河大漲齧西門甕城知縣夏之臣集衆議當天順時嘗以沙河漲別開河入漯河而爲害益甚乃更而退修西南城嘉靖時知縣武建邦亦退修西城至是議者率不外改河退城二策綿所居古城在沙醴之間卽所謂隋道州城者是也因極論改河不便退城爲宜之臣未能決綿與邑衆白之於省至二十四年張仕周爲縣始用綿議復退修西城事具仕周所爲碑固歷四年而始定蓋沙河之勢恆北趨自至西關以城之搯乃折而改流然北趨未已故每齧城挽之使南是逆其性天順時所由沙醴交漲陷溺人民也綿居恆戒子孫曰

汝儕能讀書成名以起家固善否則爲一鄉善士不墜先業足矣慎勿貪婪貽宗族羞然邑之人盛稱道綿以其議河自綿建議後三百年矣無復爲改河之說者六世孫曰中元

中元監生性篤實好施與咸豐同治時捻匪肆擾率鄉人修古城寨捐土捐工捐貲約數百金無難色光緒三年歲大饑見老弱貧者輒與之粟負錢者焚其券不復責語家人曰凡事須存忠厚不可苛刻忠厚者福之基也年七十三而卒

陶汝弼字子鄰舊志入之文苑曰正嘉之間鄆人士競爲

鄆城縣記卷二十一 耆舊篇四 三

古文趙應式徐固汝弼爲傑出日鉤棘秦漢以上語汝弼稍爲適宕顧七子名噪甚時出入其間不終易也遭亂集多散失學宮乾勒橋兩記學者貴之蓋傳豫之言云爾汝弼爲嘉靖庚子舉人見儒學科貢題名記而固傳其第禮部試也則以題名記重刻於嘉靖三十三年第進士之年當在其後舊志無所據而遺之與嘗官山東歷歷城嶧荏平棲霞縣知縣陞五品俸而在嶧爲久嶧縣志稱其才明敏終任無糝政曾除一凶人邑稱快政事可徵惟此餘軼矣應式固汝弼於邑號能文明季大亂文獻零落日正德以逮萬歷利病興革之舉正賴三人之文而可知其大略

而汝弼之文爲多豫乃徒以空言求之固不足爲三人軒
軀矣汝弼無子其從兄弟仲舉仲義而仲舉之後獨繁傳
七世而有鐸

鐸字虞賓號文倉乾隆時生員其時大化洽被民物豐阜
當父金齡之身有田千畝家以富給鐸故不復爲進取計
而治其家甚有雍睦之稱居鄉遇人子弟必教以孝敬友
恭之道人咸以夙望歸之然處事視其宜不漫然與人推
移村南二里許有龍見寺卽汝弼爲記所稱同族仲義之
妻蔡氏與韓得運之妻潘氏所重修者也歲旱則祈雨於
是年久寺圯他人謂其無主將墾之爲田鐸率族人過之

弗聽遂訟於縣族衆皆卻鐸獨輾轉十餘載卒得直復歸
於寺乃止城內小南街近汝弼舉人坊有宅一區易代後
爲人所侵據有語鐸宜爭者鐸曰先人遺業尺寸原不敢
棄然歷年已久猝理之難且吾患後無賢子孫耳若賢良
出美宅當自有之失此區區何恡焉事遂寢寺爲祈雨地
非一姓之私故必爭遺宅陶氏之私產也舍之無害迹若
異哀之義則同也次子聖謨

聖謨字定渠生員律已謹循矩矱無佞越亦舉是繩之於
人有不正冠不納履過其前者必正色訶之不少恕以故
鄉之子弟方偃仰戲謔聞其至輒止逡巡避去其得與相

對言論皆惇篤有守之士也然與戚友之通假有無則務從厚其有困乏者恆出所得束脩之貲以助之其教人先行而後文又患晚近文字之日卑乃取漢魏唐宋作者之文以示弟子不徒域之以帖括之學所居在紫岡忠誠兩保之間凡遊其門者皆充然有以自得矣而兩保以風俗樸茂著稱於邑者人咸謂聖謨實有以作之也子光顯光顯字輝庵增廣生員以祖若父世爲儒者業不競於心計於家人生產多以閭略從事逮乎光顯益靈沒於經籍而不習農夫力作之事舉其所有之田佃耕於人乃至不足自給然終不輟讀人以其家號承學也爭延以爲師而

鄆城縣記卷二十一 耆舊篇四 五

必擇其人苟非衣冠之族與子弟之不可閑檢者雖豐其贄而不應故所教者皆有以自立其爲學不岐異乎漢宋不黨伐乎朱陸惟其是而已其家居篤於行九歲母歿哀泣盡禮有逾成人事繼母能得其歡心自門以內以達於鄉黨無間言焉念終鮮兄弟子然一身則恆醞酒爲宗會聯族姓之歡其容兒甚偉嶽嶽自持望之若不可近卽而語顧溫然與人交不屑計校錙銖雖以是匱乏而不悔然鄉里之有識者謂其積善必食報果至孫敬身而家復起焉

敬身字孝源號曉園辨有口儻傑廉悍論事惟義所在不

肯爲人屈有意與撓者反復詰難必窮之乃已嘗應童子試一度不售卽棄去不復理而戮力爲農自其祖時家已落至敬身之身乃惟存下田五十畝顧其作苦逾恆人胼手胝足銖積寸累日致其贏乃增至良田七百餘畝幾復高祖時之舊富遂甲乎一鄉然布衣蔬食終其身自其豐亨以視困約時無有加也事親孝母病久不愈日夜侍左右衣不解帶者累年鄉之人欽其行而重其識有所爭則以求判旣夙好論議又每以排難解紛自任則曰某也曲某也直無匿詞聞者皆服往往事得兩釋然亦以是媒怨里有富人某與之積不相能因誣以事控之省控之京敬

身躬至大梁與之對簿於庭卒得白而歸家人咸憤謀復之曰此私讐耳未可較較則訟不休淪於凶矣敬身雖終於爲農然自汝弼以進士起家於明能文之名甚章故里人名其所居之陶莊曰鳳亭里鳳亭汝弼號也敬身用是深惕於詩書之緒乃自其身而墜延師於家課其子若孫而日夕督之年至七十八而卒親見五世同堂子孫皆有成於學矣

謝紹先傳志鄉官世表曰偃師縣訓導有句云一生事業窗前草兩字功名鏡裏花人稱其恬退按紹先爲萬曆時貢生